

Japan će probati srediti Gras

Japanska agencija JICA će podržati projekat za izradu plana razvoja kapaciteta upravljanja i rada prevoza

Piše: **JASMINA MALIŠEVIĆ**

Predstavnici Ministarstva saobraćaja KS-a i Japanska agencija za međunarodnu saradnju (JICA) održali su sastanak povodom pokretanja projekta za izradu plana razvoja kapaciteta upravljanja i rada javnog prevoza KS-a. Cilj projekta je poboljšanje usluge javnog prevoza u KS-u, što bi rezultiralo ublažavanjem gužvi i zagađenja zraka.

Naplate

Tokom projektnog perioda (oktobar 2020 - oktobar 2023) japanski i međunarodni stručnjaci će Ministarstvu saobraćaja KS-a pružati podršku u pregledu prometne politike, strategije i propisa javnog prevoza. Oni će također pomoći Grasu, operateru javnog prevoza, da poboljša kapacitete upravljanja i održavanja. Pored toga, formirat će se plan promocije koji će poticati građane na češće korištenje javnog prevoza.

UKS-u je 2019. javni prevoz koristilo oko 250.000 ljudi dnevno. Javni prevoz zauzima 35 posto udjela radnim danima, međutim, broj korisnika smanjen je za 20 posto između 2000. i 2019. Javni prevoz suočava se s nedovoljnom uslugom zbog neslaganja između plana i stvarnog poslovanja, nedostatka vozila itd.

Kako bi se odgovorilo na ove izazove, u okviru saradnje planirane su aktivnosti kao što su nadzor saobraćaja, formiranje sveukupnog operativnog plana javnog prevoza, kao i obuka u Japanu ili u trećim zemljama.



Cilj su bolji prevoz i manje gužve

U Kantonu Sarajevo je 2019. javni prevoz koristilo oko 250.000 ljudi dnevno

- Ministarstvo saobraćaja KS-a i JICA uspješno su realizovali Istraživanje javnog prevoza u Kantonu Sarajevo 2019. Novi projekat će pomoći KS-u u učenju i primjeni dobre prakse u sektoru javnog prevoza iz prijateljske zemlje Japana. Japan je zemlja poznata po vrhunskim inovacijama u javnom prevozu i njihova iskustva će zasigurno doprinijeti

poboljšanju javnog prevoza u našem kantonu, rekao je Adi Kalem, ministar saobraćaja KS-a.

Ponašanje putnika

Uzimajući u obzir uticaj Covid-19 na sektor javnog prevoza, projekat će razmotriti novu saobraćajnu politiku za doba nakon koronavirusa, kroz analizu promjena ponašanja putnika uslijed pandemije.

Pomoć Japana u sektoru javnog prevoza ima dugu historiju pružanja podrške u rehabilitaciji prevoza u Sarajevu, Banjoj Luci i Mostaru, započetu poslijeratnih godina. Kroz ove projekte u prošlosti Japan je pomagao u poboljšanju infrastrukture javnog prevoza u BiH.



Biće zaposlene tri medicin

Gerontološki centar popunja

Saglasnost je data obima posla usljed

Vlada KS-a dala je saglasnost rontološki centar za popunjavanje radnih mjesta za zaposlene i psihologa i medicin

Saglasnost je data zbog povećanog obima posla usljed pogoršane situacije u ovoj ustanovi zbog povećanog broja korisnika, te odsustva korisnika, koji su na bolovanju ili u inozemstvu.

Upošljavanje će se finansirati iz vlastitih sredstava ustanove.

40 paketa



Važniji telefoni

Krizni štab KS-a za koronavirus
Brojevi u domovima zdravlja

43. rođendan Općine Novi Grad

U sklopu starog dijela OŠ "Umihana Čuvidina" izgrađena je nova kotlovnica na gas koja će služiti za stari i novi objekat